

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA ISHIRINI NA MBILI**

**04 MEI, 2018**



## ORODHA YA SHUGHULI ZA LEO

---

### MKUTANO WA KUMI NA MOJA

KIKAO CHA ISHIRINI NA MBILI – TAREHE 04 MEI, 2018

I. DUA:

II. HATI ZA KUWASILISHA MEZANI:

WAZIRI WA MAJI NA UMWAGILIAJI:

Randama za Makadirio ya Mapato na Matumizi ya Wizara ya Maji na Umwagiliaji kwa Mwaka wa Fedha 2018/2019.

III. MASWALI:

OFISI YA RAIS (TAMISEMI):

177. MHESHIMIWA DKT. DAVID MATHAYO DAVID (SAME MAGHARIBI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Je, ni lini Serikali itapeleka Waganga, Watumishi wa Afya pamoja na vitendea kazi katika Zahanati za Same

Magharibi zilizojengwa kwa ushirikiano wa Wananchi.

**178. MHESHIMIWA BONIVENTURA DESTERY KISWAGA (MAGU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali inaanzia katika ngazi ya Kitongoji, Mtaa na Kijiji:-

Je, ni lini Viongozi na Wenyeviti wa Vitongoji, Mtaa na Kijiji watalipwa mishahara.

**179. MHESHIMIWA HASNA SUDI KATUNDA MWILIMA (KIGOMA KUSINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Jimbo la Kigoma Kusini lenye ukubwa wa mita za mraba 10,178 lina jiografia mbaya na idadi ya Wakazi wake ni kubwa sana:-

(a) Je, Serikali haioni umuhimu wa kuligawa Jimbo hilo na kuanzisha Halmashauri nyingine ili kuwarahisishia Wananchi kupata huduma za kijamii kiurahisi;

(b) Je, Serikali haioni umuhimu wa kuanzisha Mamlaka ya Mji mdogo katika Tarafa ya Nguruka.

## **WIZARA YA FEDHA NA MIPANGO:**

### **180. MHESHIMIWA RASHID ALI ABDALLAH (TUMBE):**

Atamuuliza Mheshimiwa Waziri wa Fedha na Mipango:- Mifuko ya Hifadhi ya Jamii kama vile LAPF, PSPF, PPF, NSSF na NHIF imesaidia sana kutoa mikopo hasa kwa Serikali kwa ajili ya maendeleo ya Jamii:-

Je, Serikali imefanya juhudi gani kurejesha mikopo hiyo kwa wakati.

## **WIZARA YA KILIMO:**

### **181. MHESHIMIWA DKT. MARY MICHAEL NAGU (HANANG'):**

Atamuuliza Mheshimiwa Waziri wa Kilimo:- Wilaya ya Hanang' ni miongoni mwa Wilaya zinazozalisha kwa wingi nafaka za Mahindi, Ngano na Shayiri; lakini inashangaza kuona kuwa ruzuku ya pembejeo imepungua kutoka vocha 20,000 kwa mwaka 2012/13 hadi vocha 10,000 mwaka 2014/15:-

- (a) Je, ni kwa nini vocha zimepungua na lini Serikali itaanzisha mfumo mpya wa pembejeo;
- (b) Je, Serikali inatumia utaratibu gani kuhakikisha kwamba Mawakala wa pembejeo hawawauzii Wananchi kwa bei kubwa kuliko bei ya soko.

**WIZARA YA ELIMU, SAYANSI NA TEKNOLOJIA:**

**182. MHESHIMIWA ENG. EDWIN AMANDUS NGONYANI (NAMTUMBO):**

Atamuuliza Mheshimiwa Waziri wa Elimu, Sayansi na Teknolojia:- Katika Bajeti ya mwaka 2017/2018 Serikali ilitenga fedha kwa ajili ya ujenzi wa Chuo cha VETA katika Wilaya ya Namtumbo:-

- (a) Je, gharama za ujenzi wa Chuo hicho hadi kinakamilika ni kiasi gani;
- (b) Je, ni lini ujenzi wa Chuo hicho utakamilika.

**WIZARA YA UJENZI, UCHUKUZI NA MAWASILIANO:**

**183. MHESHIMIWA SAED AHMED KUBENEA (UBUNGO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali ya Awamu ya Nne chini ya Mhe. Dkt. Jakaya Kikwete iliahidi kujenga kwa lami barabara ya kutoka Kimara Mwisho kupitia Mavulunza – Bonyokwa Segerea hadi kuungana na barabara ya Nyerere yenye urefu wa Km 4.7 na ambayo imekasimiwa kwa TANROADS:-

- (a) Je, ni lini Serikali itaanza kujenga barabara hiyo kwa lami kama ambavyo iliahidiwa miaka mitano iliyopita;
- (b) Je, Serikali haioni umuhimu wa kujenga barabara hiyo ili kupunguza tatizo la foleni.

**184. MHESHIMIWA DEOGRATIAS FRANCIS NGALAWA (LUDEWA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Bandari katika mwambao wa Ziwa Nyasa kutoka moja kwenda nyingine zipo kwa umbali mrefu sana hususan upande wa Wilaya ya Ludewa; hii imekuwa ni

kero kubwa kwa sababu hakuna miundombinu ya barabara ambayo ingerahisisha huduma ya usafiri:-

(a) Je, ni lini Serikali itatupatia bandari katika Vijiji vya Nkanda, Nsele, Kyaghomi, Makonde na Yigha;

(b) Je, ni lini huduma za usafiri wa Meli zitaanza tena ili kupunguza kero ya usafiri kwa Wananchi waishio kandokando ya Ziwa Nyasa.

**WIZARA YA MIFUGO NA UVUVI:**

**185. MHESHIMIWA SUSANNE PETER MASELLE (VITI MAALUM):**

Atamuuliza Mheshimiwa Waziri wa Mifugo na Uvuvi:- Mnamo tarehe 30/01/2017 Wavuvi wa maeneo ya Igombe na Ilemela Jijini Mwanza walikamatwa na kunyang'anywa nyavu, Mitumbwi na Mashine za mitumbwi yao na Maafisa wa Uvuvi wakidai wanatumia nyavu haramu ambazo ni "double" huku Serikali ikitaka watumie "single":-

- (a) Je, Serikali haioni kuwa kuna haja ya kutoa taarifa, elimu na muda kwa Wavuvi pindi inapotaka Wavuvi wafanye mabadiliko katika shughuli au zana zao za kazi;
- (b) Je, ni lini Serikali itatoa elimu kwa Wavuvi wa Igombe na maeneo mengine ya Mwanza kuhusiana na uvuvi wa kutumia nyavu za “single” badala ya “double” ili wafanye kazi zao kwa uhuru bila bughudha ya kukamatwa kamatwa;
- (c) Je, Serikali inataka Wavuvi wavue samaki katika kina kipi cha maji na katika kina cha mita 50 na kuendelea watumie nyavu za mita ngapi kwenda chini.

#### **IV. HOJA ZA SERIKALI:**

#### **WAZIRI WA MAMBO YA NDANI YA NCHI:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Mambo ya Ndani ya Nchi kwa Mwaka wa Fedha 2018/2019.

***(Majadiliano yanaendelea)***

**DODOMA  
04 MEI, 2018**

**S. KAGAIGAI  
KATIBU WA BUNGE**